


বর্গরাজা ও ত্রিভুজরানি






এক ছিল আজব রাজা । তার সবকিছুই চারকোনা । তার মুকুট
চারকোনা, সিংহাসনও চারকোনা । তাই রাজার নাম বর্গরাজা ।



বর্গরাজার ছিল এক রানি । রানির সবকিছুই তিনকোনা । তার মুকুট
তিনকোনা, অলঙ্কার তিনকোনা, চেয়ারও তিনকোনা ।
তাই রানির নাম ত্রিভুজরানি ।



বর্গরাজা ও ত্রিভুজরানির ছিল একটা গোল বাগান । বাগানের
সবকিছুই গোল । পুকুর গোল, গাছ গোল, মাছ গোল, ফল গোল,
পাখিও গোল ।



বর্গরাজা ও ত্রিভুজরানির খাবার রান্না করত বাঘ মামা ।
বাঘ মামা ছিল ভীষণ বিপদে । কারণ বর্গরাজা খেতো
শুধুই চারকোনা খাবার আর ত্রিভুজরানি খেতো তিনকোনা খাবার ।



রাজা আর রানি বাঘ মামার রান্না খেয়ে খুশি ছিল না । তারা
অন্যরকম খাবার খেতে চাইত । তবে তা হতে হবে চারকোনা
এবং তিনকোনা ।



বিপদ বুঝে বাঘ মামা জঙ্গলে পালিয়ে গেল । বর্গরাজা আর
ত্রিভুজরানি পড়ল বিপদে ।




একদিন হঠাৎ বাঘ মামা একটা গোল হাঁড়িতে করে কী যেন
নিয়ে এলো । বর্গরাজা এবং ত্রিভুজরানির তখন অনেক খিদে
পেয়েছে ।



হাঁড়িতে ছিল রসগোল্লা । বর্গরাজা ও ত্রিভুজরানি চোখ
বন্ধ করে একের পর এক রসগোল্লা খেতে থাকল ।



এখন তারা গোল বাগানের গোল গোল সব মজাদার
ফলও খায় । বাঘ মামা এখন খুব খুশি ।



জাতীয় শিক্ষাক্রম ও পাঠ্যপুস্তক বোর্ড, বাংলাদেশ

গণপ্রজাতন্ত্রী বাংলাদেশ সরকার কর্তৃক বিনামূল্যে বিতরণের জন্য

২০১৭

